

OMUKUETU

N:o 1

JANUARIE

1951



OMUMVO OMÜPE — EVI EPF.

Orda mono oshilande oshijajuki, Jerusalemu oshiye, sha kulukile pevi, sha ziku Kalunga negulu, shoopalekua ongo mufoko a zalekelua omulumentu gue. No ndu uvu cui enenerene meshirangelapundi lja u: „Tala ko, egumbo lja Kalunga li li paantu.” Ehol. 21:2, 3.

Omumvo gumue gua hulu po, nomupe ogua tameke. Ompaka esho opala okuzilazila, Kalunga nkene ta ka shitukiša ajihe jininge iipe. Evi tali ka ninga epe, na Jerusalemu shopombanda tashi ka kulukila pohi, aantu ja jelišua otaa ka kala kombanda jevi epe nokoshipala sha Kalunga. Itapu kala ue uwehame uomuujuni uongashingeji, nesokali kala ko ue, nenge oluhozi nenge elilagano, ošoka Kalunga ta šete po omahozizi momeho gaamboka je li kombanda jevi epe. Ehol. 21: 4. Omuenjo gualuhe oguo aguke. „Tala, ajihe otandi ji šitukiša iipe” Ehol. 21: 5. Aantu mboka je li mo, ojo uo aape, ojo je nondjelo ja Kristus. Room. 8: 29. Ešikilo ljetu oljo oli šike mpoka. Oljo tuu tu noku li kondjela ekondjo euanau ljetaalo. Mevi ndika ljongašingeji Kalunga a hala e tu putuzile okukalamuenjo nkuka okupe, egumbo lje muene šo li li paantu.

Jesus Kristus oje auike ota vulu oku tu kuaša tu aze uugiga mbuka itau ganja, no inau njata no itau hulu po. Ošo šoka še mu etele muujuni, nomolua šoka okua hambata oondjo zuujuni. Muje omu no muenjo. Oje ošikuiila šomuenjo. Muje omu neguano alihe ljopaKalunga. Kuje otatu peua esilohenda kesilohenda. Kape na ngoka ta vulu oku tu juga miikaha je. Oje ota lombuele He, e ta ti: „Tate, onda hala omboka ue ja pa ndje ja kale uo nkoka ndi li.” Joh. 17: 24. Pu Kristus, nda hala ndi kale omumvo nguka. Kuje otatu pu mbua aluhe ezimo ljoondjo epe mombinzi je, nomuenjo nujelele uomegulu.

Uujuni mbuka itau kutiša omuenjo guomuntu, oshoka ouo tau hulu po, najihe mbika ji li mo otaji ka kana. Evi epe lja jela otali ke ja peha lja ndika ekulu, nomo tamu ka kala euvšano pokati kaljo naantu jaljo. Noku li njanjukilua shili omujapostoli ta taalele kevi ndika mehunganeko.

Omuntu ina shitua a kale okašimbo okafupi akeke kombanda jevi ndika, aue, opu Kalunga, mujelele ualuhe omo mu negumbo moka aana ja Kalunga taa kala aluhe sigo aluhe. Omuntu nge ta kalele uuujuni mbuka, oje ota kanša po omuenjo nguka gualuhe, oitaali taje gu peua mešalaago ljaaluhe. Egumbo ljetu oli li mujelele pu Kalunga.

G. Johansson.



TUA NJANJUKUA PAMUE TUUP?

Otse aagunduka aanajena otua ka talela po aamuameme mu Jesus Kristus aašigambo. Otua falele ko omulongelo guoondjimbo oondjapuki. No tua gongala naua, nongerki jokOšigambo oju uda naua. Aantu ja gongala okutala nokupulakena oondjimbo doka tua ti tu di na.

Ošinima šika oše tu njanjuža unene, notua uvišilua uo oohapu dOmüua, da li po tadi tsu koomuenjo detu notadi tu hingile kOmüua guetu. Ihe nando ošingeji opu na uo shoka sha kuša po enjanju ljetu ošo šono ešekašano. Nani aagundjuka otaa gongalele ouala okutala iinima jomizalo. Kombinga oša njanjuda ndje molua shoka oku nomizalo doka inadi oopalela aana ja Kalunga. Omizalo doka duulenga tau holola esimano ljuujuni mbuka, oda guana okujolua omolu omizalo da tja ngaaka. Ihe ando oshi nginge uo pahoolle juumuajinacana. Oshinima sha tja ngauo osha njanjuda ndje ngame kombinga jandje osha njanjuda ndje noonkondo. Onke nda hala uo okupulapula komadiladilo goje kuume. Ote ti: Ngoje ngoka u hoole omizalo duujuni mbuno shono ua shekua ngeji kakueni jokevi, ngele ombeja taje tu tegelele, inaa sheka, ihe oja lila oosa oonene. Onke tu ikonakone naua tuua ikukutike koomuenjo. Na ngoka uo ua sheke, tala naua okušeka ngele okuomohoole ja Kalunga.

Otua njanjukua sho tua li tua kala poompadi dOmüua muene noku tu popica, ihe, ngoje ngoka ua jomo enjanju ndija noui ijonene uo, ngoje muene diladilulula. Na ngoje ngoka guomizalo tadi gandja iijoolica nomasheko di eca uo ngu konge omizalo omipe mombinzi jonzigona Jesus.

Th. Nakanjala.

KU KALUNGA

Ngame onda dimbulula okukala kua ndje okuo okuinaji. Okukala kuandje o ngame ohe kala nda fa elimalima, onkere ano inevula oku ši muenenena. Omüua guandje oje okua tii kape na šimue šoka ša holekua itaši ka hololua. Ano ondi ši ši naua o.nausiku ogendji šili a kala noku tega ndje, nokuišana ndje, nde ngame o nde ga pilameniša ko cmiinama jomuujuni. One mboka mu na oolampa za tema, no mu na šili uupenda, tu taleleni otse mboka aankundi momadiladilo, Omüua guegulu noguevi Oje muene nuuve, omülunde o mukueji otelilile pomušigakano gue, ošo ka oje muene ota ti eui ljomulunde, o ngame oti li uvu, ngele ta lili pašili. O ngoje omulunde omukuetu, tandi lombuele tu igandje ku Kalunga. Oje oku noo nkondo no iha nengua ku ša.

Martin Immanuel.
Nativ Hospitaal

OOMBILIVE

Simon Haufiku Abenab te tu kundu ta ti: tu tileni ano kuaa monike nando gumue guomune a šigala ondjila.

Simon e noshimpuju omolu ehandu la Kalunga li li mokati ketu, oje no ta ti: atuseni tu pendukeni okulongela Kalunga mosili.

Hosea Leonard ota ti kondja ngu kondjele oshipeua shoje nondjambi joje jili pu Ho megulu.

Aleksander Humbilemo Okahandja oku noshimpuju omolu aauambo taa ja kUusimba sho taa pukisua kovakaišu no kosikariva, oje ota ti: dimbulukueni olutu eli tu lina kali si letu vene olo ontempeli ja Kalunga.

Josef Jakob Orangemouht ota ti: Efa eendjila zounjuni, ounjuni otau hulu po.

Nakale Tomas Orangemouht okua mono omümati a mono oshiponga noshiauto no te tu kumagiza tu hangike tue lilo ngekida ngenge oshiponga sežo tasi uja.

Abed Negumbo a hala oku tu koleka tuua zimbue egalikano.

Josef Shiimi Windhoek ombepo jokuenje je mu longo oondunge ji kombe mo muste oonjata azihe moomuenjo zetuu.

David Sepedens Walvishbay ote tu lombuele tu kale tua kotoka tu hede popepi nOmukulili.

AAKUACI JOMUKUETU

tamekeni okukonga aataambi jOmukuetu jomumvo 1951. Tamekeni ngashingeji, opo omutaambi kehe a mone oshifo she okuza petameko ljomumvo. Omukuetu guomumvo aguhe otagu pula 1/- ;kUushimba 1/6 nEhangeno /-6

Elia Iilongo Johannesburg te tu kumagiza tu kuge onkugo omepo jefilonenda no tai tu tuala mongulu jehondamo ongulu i nohenda.

Gerhard Simeon Orangemouth ote tu zimbuluša ta ti kape na omukuita ta sindišua kouidji cmahuahua giikondjiša oje ngele a galikana Kalunga.

Johannes Amuatua Transvaal ota ti: nda hala atuheni tu tje omuenio guandje kondjela egulu, inekela Omukulili Omukulili e tu išana tu matukeni tu ke mu tsakaneka.

Simon Hedimbi oku neindilo: Omueene Jesus tu longo okuilikana.

N. Shiimi Orangemouth okua mono oshiponga shomülilo neso ljombazilila Ija Petrus Nakasole. Oje a naluka no te tu kumagiza uo tu kale tui ilongekiza. Oshiponga itaši tsejika unake tashija

Kristian Haihambo Tsumeb a mono oshiponga shomomiina. Omühona gumue a tetua oshikaha nokuasi mbala, ihe oku noshimpuju shimue ashike osho oshokakambe ke. Oihuna sili efjo la tja ngaho.

Immanuel Katumbo Orangemouth a mono nkene oshauto sha pundula o muntu sigo a šigala koho jasho, ihe Kalunga e mu tula pokati komagulu, omuntu ina ljatua, ina mona oshiponga sha sha. Iilongankondo ja Kalunga otaji kumiša shili, natu kale tui ikolelela mezina lje.

EEMO MBALI.

Otue enda mositauua šOkaukuejo. Otua hanga mo Eemo mbali noudilona 8. Moku ja ehauto ina a ja onapo, noudilona tava faduka po jo, va landula Ositauua, Ihe, Okua kondja sili, okua kala pokati kosihauto noudilona, ta papama, ta kuena, ta nuka, vahejali e va holeka momuidi. Kamue, ta ka anjene mositauua. Ova lotoka unene he te ka ljata ka dje mo mositauua, no ka dja mo. Avese va hupa molua he; roho ja uanifa elaka lo moBibeli, „hoola Omukue ni ngasi u lihoole ove muene, Joh. 15: 12—15, Omuneumbo mukuetu tala Omo ja kondjela ovana, inai tila efjo mckuhola o vana vajo. Okua tiua ove Omutue ueumbo lopakriste okumona oiponga nokukuafa, oiponga nge ta i ja meumbo; Onjalo, Ouhesfi, Oipupuli, Omutjanai, ouhua, okudina eendjovo dehupifo, nokudinafana, Oinima aise ei, Ositauua sa satana, nomahauto aje ta lotoka Okuljata Oudilona metavelo. Hano endelega, ngasi ua hala ehupifo novašu voje ova hala, mokukandula oitauua, inava ninga eendunge. Ninga ngasi Omo.

S. H.

OSISO

Ovakriste ovakuetu, otu na tuu Osiso, novakuetu okuvaindil la Noku va halela va ka mone ehupifo? Ope na jo vakuetu ovo ina va mona natimro ou te va pukulula mondjila ja kalunga. Kasimba ua hala osi kuuda noku tja ove li peni? Ovo aakua nkala ina va mona nande omutumua na Kalunga a fikama mepundo nota udifile Ovasitua va Kalunga, tu li jandient kosipla sa Kalunga e va tum ne omuhekeleki ngasi U muene te si tongo mu Johannes 14:16 ndele ame ohad indile tate je e mu pe omuhekeleki umuc a kale nanje aluse.

Andreas Lasarus.

KALUNGA E TU HOOLE

Ovauambo tu na elao sili. Tua kala kosule ndele Kalunga e tu pitifila etango les ngenda jaje, e tu ila mo mofjo. ame ou da tala omaludi mahapu ovañu ve li oku ku U nion, ve li momuiaulu sili Ngenge tava talle ovañu va ongala Ota mu talua naua sili, nota va pula Kalunga oku li peni? Navali onda kumua mokomboni jetu osondaha Uvauambo aveke tava onala nombulu taji aluse. Omu na ovadjulu tava ongala novanja salanda ndele hakese efiku ile nditje ososondaha, ndelene omosondaha jimue ngenge mahongi te ja Hano paite ovahongi nge tave ja kovauambo, aluse hano nove na elaka ovambo Otu mu dite omu na omepo jomambo mua fa oilumbu. Hano itai mane kupopja Ndele ohai ti elao eli letu olinene sili, Kalunga e tu kongu, hano Kalunga okua kongu osiuana saje komOuambo jo. Ndele je oku hole ava va kongu a va kale ve mu sino ve mu hole sili, sasi jee e tuhote tete. okua kufa omona uaje te mu tumu mounjuni Oku tu kongu.

Nale Kalunga okua li nosiuana sovai taeli, ndele paife hisi numbu ve li naje ee va efa omolu kuhadula nokuhaidu kokuauo. Fje vauambo otu li peni? Tate okue tu hala, nde e je Omüua okukalelua. Sasi cameno laje ihali pitua ku sa. Ndele jee oha tondo oui, ngenge omuñu vopuje ta longo oui Ote mu tondo. Hano paite fje ava tua filua Ongenda natu diladile naua ouua ou ua Kalunga e u longela ovauambo Ndele tue mu ninga paife tuafa oimbodi Ndele unene kombirga jetu ovanja sa fiku limue hatu etele osilongo ehandu la Kalunga. Je ota kongu epja lipe hanc natu ninge sili ovauavaua tu siji Okolinekelua. Natu lilikaneneni ovakuetu jo ava ve li momulaulu e va kongu jo.

Ananias Mufufja Durban

UA DIMBULULA TUU OKU, KALA KOJE?

Oua siki sigo openi mokuitseja koje? Onda kala nošinima šika Omasiku ogendji, unene eipulo ndjoka, aagundjuka šo katu ši mpoka tu li. Onda li ndi ipula mu ngenje muene, kutja nda lunduluka peha ndjoka nda li tango, nenge opu nga ndi li? na Onda koko tuu muokriste uandje nenge ongini?

Onda mono kutja: natango tuu onda fa inandi lunduluka. „Hakutja nde ši aanda ando nenge nda guana, aue, otandi ši matukile ndi ši, aade.” Tala Fi. 3:12) Paulus ošo ta ti ngaka, ota matuka e ši ade.

Omukuetu omuholike mu Jesus Kristus otatu ti nduno ngini, otue ši ada, nenge tatu ši lalakanene? Ngame ote ti: Natango tuu onda hala šili oku ši lalakanena ndi ši aade.

Oluindji nda jematele aagundjuka oos jakuetu mboka ja dini ondjelo ndjoka ja situa ku Kalunga. Ojendji ja panda omasanjanju guujuni, ngašika ojendji ja hokua omuguajo gošide okuguaja momalutu nomii pala ja ninge aatiligane, ja mono ondjelo ndjoka ja situa ku Kalunga ombuinaji. Onda mono uo, šili kutja nani natango tuu je tse mboka aana juujelele tu na endagananaana jomilema. Ošo uo oluindji aapakani taje tu njonkele, no taa ti: Omua ti aakriste, aniaua aakriste jaši ke? Okakala kuauo oko nga huka kuafa kuetu.

Esiku ndjoka onda li nda dimbulula kutja nani otse tatu kukutike oomuenjo dauo, „Uujelele ueni nau jele montaneho jaantu ajehe ja mone iilonga jeni iivanaua no ja hambelele Oho jeni jomegulu.” (Tala Matt. 5:16,) Oja ngapi ua fala šili, nuu jelele uoje ua landulua kookuume koje ja ngapi, mboka ja hokua iilonja joje iivanaua? Otse aagundjuka tua guana šili oku hilila oojakuetu komüua. Oluindji tua kumagidua tu ese ajihe mbjoka taji tula ongamba pokati ketu na Kalunga. Aakuetu ne, omasiku oga puapo, otatu ka adika ngini komüua guetul „Ošoka esimbo tali ja, Ojo itaa hala ue okupulakena omalongo ga kola, ihe ota ki ikongela aalongi taa njuiša omas kutsi gauo pa uuhalu uauo jene, nomakutsi gauo otaje ga pilameniša ošili, no taa gama kiifundja.

Ua dimbulula tuu, nkene Omüua e ku ningile? Omüua okue tu ningile uua nava ouindji ndele tse inatu ši dimbulula. Oluindji Omüua a tegelele mu tse mu iime iijimati, ndele aue, natango iinaku monika ongoka iimike, oluindji Kalunga a piti moomuenjo detu a toole mo iijimati, ihe is ne ji mona mo, onke ano Omüua Jesus ta lombuele Ohe, kutja aue, ino gu ka po mangatandi gu tekele pamue komeho tagu iimi.

Mua kundua ku M. A. Endjala.

OONKUNDANA DEPANGELO.

Ongame tandi kundile po aauambo a jehe noku ja halela omumvo omupe o muuanaua gu nelago.

Ondi nehalo ndi mu hokololele aluhe, nge tandi shi vulu, iinima mbjoka Epangelo lja hala li ji tsakanice komeho mOua mbo. Aahongi aasuomi ja zimine ndje ndi peue eha moshifo shauo shomuedi kehe.

Ngashi mu shi shi iimuna jomOua mbo mbjoka ja ji ku Angola, inaji pitikua ji galuke, omolu uuvu mboka uomomakana no uomomakondo. Sho nda jile ku Windhoek momuedi gua ji, oshinima shika sha kundacana nEpangelo, nokua tokolua kutja ngashingeji iimuna taji vulu okugaluka. Oojene jiilongo no jomikunda oja tsejicilua uo shika ku ngame. Otu no kukonga natango omeja mevi ljetu, opo iimuna jetu jaa pumbue okuja ku Angola kehe omumvo.

Uukuanjama nOndonga ji ilandele kehe oshilongo oshihauto shasho oshinene niimaliva mbjoka joshilongo ja zi moom pale (Tribal Trust Fund). Iihauto mbjoka taji ke endicua miilonga joshilongo ajike.

Epangelo tali diladila nkene tashi vulika aantu ajehe mboka taa alukua uuvu uoshilundu (uulepera) ja peue eha kOnka mUukuanjama, nkoka taa vulu okusilua naua oshimpuiju na nkoka omudohtora he ja aada e ja konakone. Aantu mboka ita ningi aakuatua. Otaa ji keha ndjoka kehalo ljauro jene, sho ja mono tango ombapila jomudohtora taji hokolola uuvu uauo. Shaa tuu oja talua komudohtora kutja oja aaluka, otaa pitikua okushuna kaandjauo. Epangelo tali tungica oongulu doka da pumbiua ko no tali tumu ko uo aajakuli. Otue shi kundacana nokuli noojene jiilongo no jomikunda, najo ajehe ja zimine ediladilo ndika. Otandi tegelele oshinima shika shi uucue mbala.

Aantu mboka taa tumbulua mpaka, oja mana oondjenda dauo kUushimba naacigululi jauo taa pulua ja holoke kombeleva jokOndangua.

| Edina: | Eha: | Oshilongo: |
|---------------------------|----------|------------|
| Andreas Augustus | Ondembo | Ondonga |
| Zacharias Okumbe | Etunda | Ongandjera |
| Thomas Kangu (Kangi) | Nangondo | Ondonga |
| David Stephanus (Amazila) | Tsumeb | " |
| Kasita David | Onaua | " |

Iimaliva ja mboka taa tumbulua mpaka ja ningi ecimbo ele mombeleva, naataambi jajo taa pulua je ke ji taambe.

Ja zi ku: Omutaambi: Omukunda:


| Ja zi ku: | Omutaambi: | Omukunda: |
|-------------------|-------------------|--------------|
| Hamundjugu | A a n d o n g a: | Iikokola |
| Jacob Kandi | Kasona Kenkali | Onamutene |
| Festus Pinehas | Andreas Kandi | Omuhosi |
| Elifas Nampala | Nahum Pinehas | Oshamba |
| Kakua Kandjunga | Johannes Joseph | Okakuja |
| Shipanga | Cicilia Kandjinga | Amuteja |
| Nangohe Kalongo | Hosea Shibach | Onalulago |
| Willem Andumba | David Okasila | Onahima |
| Kwethi Angula | Philippus Samuel | Oshikuma |
| Andreas Uushona | Festus Wola | Omulonga |
| Nepuanga | Marleter Angola | Iikango |
| Abraham Pingela | Nangombe | Omashaka |
| Ass. Native Com., | Daniel Amtohile | |
| Windhoek | Thomas Zacheus | Onjaanja |
| Nguti Shigueda | Maria Titus | Oniimuandi |
| Frans Haufiku | | |
| Hamutenja | Salongo Hamutenja | Okandonguena |
| Sihepeus Silvanus | | |
| na Amos Abraham | Abraham Elonga | - |
| Makathingo Nurua | Philippus Nurua | Omfana |
| Aindonga Kambala | Wangohe Kambala | Amutenja |

Omumbalantu:
Shinjama Kundarunazo Hashipala Ashima

Onda hala ndi mu njolele ombilive onkuawo joonkundana omuedi tagu ja. Njolelii rdje ne mu hokololele ndje, ngele mu njanjukilua ombilive dika.

Nakale Ke Homata.

Ondangua, Januarie 1951.



OMŪMVO 5711

Aaisrael otaa ti ojo otaa jalula omumvo okuza keshito ljuujuni. Esiku ljomumvo orupe ljauro oljo eti 12 lja September ljetu. Na ngashingeji aaisrael je nomumvo 5711.

Omasimbo gopetaneko inaga jalulua ngashi haga jalulua ngašingeji, onke ope nuuzigu okutseja okuza keshito pua piti omimvo ngapi. Ihe aaisrael ojo na tu ejalulo ljauro.